



Broj:
Sarajevo, ___.____.2019. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici održanoj ___.____.2019. godine, usvojilo je

Izvještaj o primjeni Odluke o upotrebi grba, imena i isticanju zastave Grada Sarajeva.

PREDSJEDAVAJUĆI
GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



**Grad Sarajevo
City of Sarajevo**

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

**IZVJEŠTAJ
o primjeni Odluke o upotrebi grba, imena i isticanju zastave Grada Sarajeva**

Predlagač: Gradonačelnik
Obradivač: Gradska služba za opću upravu
i zajedničke poslove

Sarajevo, oktobar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba

 **EYOF 2019**
Sarajevo & East Sarajevo

IZVJEŠTAJ
o primjeni Odluke o upotrebi grba, imena i isticanju zastave Grada Sarajeva

Uvodne napomene

Odlukom Gradskog vijeća Grada Sarajeva o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst) propisani su uslovi za odobravanje upotrebe grba i imena, te isticanje zastave Grada Sarajeva.

Obzirom da je Odlukom o organizaciji i djelokrugu organa uprave i upravne organizacije Grada Sarajeva („Službene novine Kantona Sarajevo“, broj 07/07), nadležnost na provođenju Odluke o upotrebi grba, imena i isticanju zastave Grada Sarajeva prenijeta na Gradsku službu za opću upravu, to je Gradsko vijeće Grada Sarajeva, donijelo Odluku o izmjenama Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 33/07). Na sjednici održanoj 29.05.2019. godine, Gradsko vijeće Grada Sarajeva, donijelo je Odluku o dopunama Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 25/19).

Shodno Programu rada Gradskog vijeća Grada Sarajeva za 2019. godinu, Izvještaj će u sadržajnom smislu dati kraći pregled sa podacima o podnesenim zahtjevima, te donesenim rješenjima u skladu sa Odlukom o upotrebi grba, imena i isticanju zastave Grada Sarajeva.

Aktivnosti na rješavanju podnesenih zahtjeva u periodu oktobar 2018. godine – oktobar 2019. godine

U izvještajnom periodu podneseno je ukupno 12 zahtjeva za odobravanje upotrebe grba i imena Grada Sarajeva, a rješavani su kako slijedi:

1. Rješavajući zahtjev pravnog lica „FlyBosnia“, gradonačelnik je 13.12.2018. godine donio Rješenje o odobravanju upotrebe imena i grba kao nezaštićenog znaka i kao amblema ili ukrasa radi isticanja istog na avionu ovog pravnog lica, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena i grba Grada, obzirom da je na osnovu dostavljene dokumentacije utvrđeno da se radi o pravnom licu koje na ovaj način promoviše Grad Sarajevo širom svijeta.

2. Rješavajući zahtjev pravnog lica „Plin Sarajevo“ d.o.o. Sarajevo, gradonačelnik je, na prijedlog Službe, 13.11.2018. godine donio Rješenje o odobravanju upotrebe imena Grada Sarajeva u nazivu tog pravnog lica, a u skladu sa članom 17. stav 1. Odluke o upotrebi grba, imena i isticanju zastave Grada Sarajeva, uz obavezu plaćanja godišnje naknade za upotrebu imena Grada, u utvrđenom iznosu od 720,00 KM, obzirom da je na osnovu dostavljene dokumentacije utvrđeno da se radi o pravnom licu koje će ostvarivati pozitivne poslovne rezultate, imati mali obim poslovanja, produktivnosti i dobiti, te zapošljavati do 10 radnika.

3. Rješavajući zahtjev pravnog lica „Leogres Sarajevo“ d.o.o. Sarajevo, gradonačelnik je, na prijedlog Službe, 12.11.2018. godine donio Rješenje o odobravanju upotrebe imena Grada Sarajeva u nazivu tog pravnog lica, a u skladu sa članom 17. stav 1. Odluke o upotrebi grba, imena i isticanju zastave Grada Sarajeva, uz obavezu plaćanja godišnje naknade za upotrebu imena Grada, u utvrđenom iznosu od 720,00 KM, obzirom da je na osnovu dostavljene dokumentacije utvrđeno da se radi o pravnom licu koje će ostvarivati pozitivne poslovne rezultate, imati mali obim poslovanja, produktivnosti i dobiti, te zapošljavati do 10 radnika.

4. Rješavajući zahtjev Udruženja „Škola fudbala B.A.A.P. Sportivo Sarajevo“, gradonačelnik je, na prijedlog Službe, 27.12.2017. godine donio Rješenje o odobravanju upotrebe imena Grada Sarajeva u nazivu ovog udruženja. Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave

Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Naime, djelatnost ovog udruženja je sportska djelatnost koja je nesporno djelatnost od posebnog društvenog interesa, jer promoviše sportske vrijednosti i sport kao oblik zdravog življenja, naročito na međunarodnom planu i utiče u pozitivnom smislu na stil i kvalitet života svih građana. Udruženje će kroz svoje djelovanje vršiti popularizaciju i razvoj sporta, stvarati uslove za organizaciju sportskih manifestacija i takmičenja te poticati izgradnju i održavanje sportskih objekata.

5. Rješavajući zahtjev Udruženja za međunarodnu razmjenu studenata radi stručne prakse – IAESTE LC Sarajevo, gradonačelnik je 28.12.2018. godine donio Rješenje o odobravanju upotrebe imena Grada Sarajeva u nazivu ovog udruženja u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena Grada, obzirom da je na osnovu dostavljene dokumentacije utvrđeno da se radi o pravnom licu koje je neprofitna i nevladina organizacija koja preuzima aktivnosti odgojnog i obrazovnog karaktera.

6. Rješavajući zahtjev Udruženja za jogu, edukaciju i lični razvoj „Sarajevo ZEN“, gradonačelnik je, na prijedlog Službe, 14.01.2019. godine donio Rješenje o odobravanju upotrebe imena Grada Sarajeva u nazivu ovog udruženja, a u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije utvrđeno da se radi o pravnom licu koje je neprofitna i nevladina organizacija koja će kroz svoje djelovanje tretirati onkološke pacijente u toku njihovog oporavka kao i osobe oboljele od multiple skleroze, djecu te vršiti popularizaciju sporta.

7. Rješavajući zahtjev Udruženja turističkih vodiča Sarajevo „Vučko““, gradonačelnik je, na prijedlog Službe, 23.01.2018. godine donio Rješenje o odobravanju upotrebe imena Grada Sarajeva u nazivu ovog udruženja, a u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije utvrđeno je da se radi o pravnom licu koje je neprofitna i nevladina organizacija koja za ciljeve ima razvoj turističke djelatnosti koja je nesporno djelatnost od posebnog interesa za Grad Sarajevo i posebnog društvenog interesa.

8. Rješavajući zahtjev Udruženja „Sarajevski institut za politiku“, gradonačelnik je, na prijedlog Službe, 22.01.2019. godine donio Rješenje o odobravanju upotrebe imena Grada Sarajeva u nazivu ovog udruženja. Upotreba imena Grada Sarajeva odobrena je uz obavezu plaćanja naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije utvrđeno je da se radi o pravnom licu koje je neprofitna i nevladina organizacija koja za ciljeve ima zalaganje za unapređenje vladavine prava, demokratiju i ljudska prava.

9. Rješavajući zahtjev Udruženja „Save Sarajevo“, gradonačelnik je, na prijedlog Službe, 05.02.2019. godine donio Rješenje o odobravanju upotrebe imena Grada Sarajeva u nazivu ovog udruženja. Upotreba imena Grada Sarajeva odobrena je uz obavezu plaćanja naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije utvrđeno je da se radi o pravnom licu koje je neprofitna i nevladina organizacija koja za cilj ima prikupljanje donacija u odjeći, obući, hrani i novcu koje će distribuirati kao humanitarnu pomoć i stipendije socijalno ugroženim građanima Kantona Sarajevo.

10. Rješavajući po službenoj dužnosti, gradonačelnik je, na prijedlog Službe, 15.05.2019. godine donio Rješenje o odobravanju upotrebe imena Grada Sarajeva u nazivu portala „sarajevograd BA“. Upotreba imena Grada Sarajeva odobrena je uz obavezu plaćanja naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

11. Rješavajući zahtjev Udruženja „Pop Rock Škola Sarajevo“, gradonačelnik je, na prijedlog Službe, 20.08.2019. godine donio Rješenje o odobravanju upotrebe imena Grada Sarajeva u nazivu ovog udruženja. Upotreba imena Grada Sarajeva odobrena je uz obavezu plaćanja naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije utvrđeno je da se radi o pravnom licu koje je neprofitna i nevladina organizacija koja ima za cilj da kroz svoje djelatnosti aktivno okuplja mlade talente u cilju afirmacije vlastitim umjetničkim radom i ostanka u Bosni i Hercegovini te da okuplja ljubitelje pop-rock muzike u cilju razvijanja kodeksa muzičke kulture grada i države.

12. Rješavajući zahtjev Instituta za jezik Univerziteta u Sarajevu, gradonačelnik je 02.09.2019. godine donio Rješenje o odobravanju upotrebe imena i grba Grada Sarajeva kao nezaštićenog znaka i kao amblema ili ukrasa radi isticanja istih na plakatima i drugom prigodnom promotivnom materijalu štampanom u okviru djelatnosti ovog Instituta, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena i grba Grada, obzirom da je na osnovu dostavljene dokumentacije utvrđeno da se radi o pravnom licu koje je neprofitna i nevladina organizacija koja preuzima aktivnosti odgojnog i obrazovnog karaktera.

Nakon okončanja postupaka po svim gore navedenim zahtjevima za upotrebu grba i imena Grada Sarajeva, obavljena je primopredaja odgovarajućeg broja primjeraka donesenih rješenja podnosiocima zahtjeva na koje se odnose rješenja, predmeti su uredno evidentirani u skladu sa odredbom člana 15. Odluke, te arhivirani.

Imajući u vidu gore navedeno, kao i činjenicu da se provedbom ove odluke ostvaruju dva bitna interesa Grada Sarajeva i to promocija ugleda Grada Sarajeva, kao i prihod Gradu, potrebno je konstatovati i sljedeće:

- deset podnesenih zahtjeva se odnosilo na odobravanje upotrebe imena Grada Sarajeva u nazivu pravnog lica, dva zahtjeva na upotrebu grba i imena Grada Sarajeva na proizvodu pravnog lica - „FlyBosnia“ i Institut za jezik Univerziteta u Sarajevu;
- doneseno je ukupno 12 rješenja;
- u sedam rješenja donesenih po zahtjevima utvrđena je obaveza plaćanja godišnje naknade za upotrebu imena Grada Sarajeva, u iznosu od 100,00 KM shodno odredbama člana 17. stav 4. Odluke, jer se radi o pravnim licima koja ne ostvaruju dobit, dok je u dva Rješenja, u skladu sa članom 17. stav 1. Odluke, utvrđena obaveza plaćanja godišnje naknade za upotrebu imena Grada u iznosu od 720,00 KM;

- u periodu od 01.10.2018. godine do 30.09.2019. godine, po osnovu izdatih rješenja o upotrebi grba i imena Grada Sarajeva, ostvaren je prihod u Budžet Grada Sarajeva u iznosu od 33.260,00 KM – 50 pravnih subjekata prema izdatim rješenjima imaju obavezu plaćanja naknade za upotrebu imena Grada Sarajeva i to 13 u iznosu od 4.800,00 KM, 1 u iznosu od 2.400,00 KM, 3 u iznosu od 1.200,00 KM, 10 u iznosu od 720,00 KM i 23 u iznosu od 100,00 KM;
- očekivani prihod u Budžet Grada Sarajeva po ovom osnovu za 2019. godinu iznosi 70.000,00 KM.